

'A pace

*Evoluzione del pensiero da "si vis pacem para bellum"
fino a "si vis pacem, para pacem"*

Franscesco Sgambato

Tutti dicimmo ch' è 'na cosa santa,
tutti dicimmo che nun po' mancà,
d'accordo ce trovammo tutt'quant'!
Ma che facimmo pe ce 'a cunservà?

Nuje simme sempe pronti a fa' questione,
nun ce va niente buono d' 'o vicino,
tenimmo 'a radio alta p' 'a canzone
e po': "è sempe isso che stà a ffà casino".

Cercammo sempe tutte 'e colpe 'e l'ate,
mai che dicessimo: "Fosse colpa mia?"
e po', quann' ce simmo 'ntussecat',
perdimmo 'o suonno pe' l'appecundria.

"La guerra è guerra" dice l'istruito,
"si vis pacem, apprepara 'a guerra";
e proprio pe' segui' 'a stu rimbambito
ce trovammo po' ccà c' 'o culo 'nterra.

"Si tu vuo' a pace, apprepara 'a pace"!
Nun tte sunna' chi dice 'e fesserie,
so sicuro ca po' nun te dispiace
si te scuorde rancori e gelosie.

Doppe te siente certo cchiù leggiere,
te vene quasi 'o genio 'e fa 'na danza,
te scuorde 'o male, fatto c' 'o pensiero,
te lieve chillo piso a 'ncopp 'a panza.

'A quiete tene sempe cchiù valore,
chello che conta è che 'sta pace è fatta.
Te costa? e che te 'mporta, fa 'o signore!
Te vale e cchiù, pure si s' accatta.

E si p' 'a pace s' ha da esse' a duje
e chillo nun tene nisciuna intenzione,
conviene ca te sfuorze e ca te struje
finchè nun truovi 'a giusta soluzione.

E che te costa a fa' 'a primma mossa?
Nun c' è bisogno ca te mitte scuorno,
falle pe' primmo tu chillo sorriso
a tutta 'a gente, ca nun rire, attuorno.

Certe vote, però, comme se fa?
si chillo tene 'nu carattere strano
ca proprio nun se riesce a suppurta'?:
"Tu facce pace e po' ... stacce luntano"

Franscesco Sgambato

Divisione di Medicina Interna, Ospedale
"Sacro Cuore di Gesù" Fatebenefratelli,
Benevento

*Lo spazio "la poesia" è aperto
a tutti i lettori di Pneumorama,
medici e non, purché "poeti".*